

მართვის ეფექტურობის მონიტორინგის ინსტრუმენტის გამოყენებით (METT) 10 დაცული ტერიტორიის მართვის ეფექტურობის შეფასების მომსახურება

ტექნიკური დავალება

შესავალი

საქართველოს გარემოს დაცვისა და სოფლის მეურნეობის სამინისტრო შვედეთის მთავრობის მხარდაჭერით (შვედეთის საერთაშორისო განვითარებისა და თანამშრომლობის სააგენტო - SIDA) ახორციელებს პროექტს „გადავარჩინოთ ბუნება - საქართველო“, რომელიც მიზნად ისახავს კარგი მმართველობის პრინციპის დანერგვას, ეროვნული პოლიტიკისა და კანონმდებლობის გაუმჯობესებას, საქართველოს ბიომრავალფეროვნების დაცვას. მიმდინარე პროექტის - "გადავარჩინოთ ბუნება - საქართველო" ითვალისწინებს სამინისტროსა და მასში შემავალი უწყებების შესაძლებლობების გაძლიერებას, გამჭვირვალე და ეფექტურ პოლიტიკის დანერგვას, რომელიც უზრუნველყოფს ბიომრავალფეროვნების კონსერვაციას, სახეობებისა და ჰაბიტატების დაცვას, გენეტიკურ რესურსებზე ხელმისაწვდომობას.

არსებული პროგრამის მიხედვით ერთ-ერთი მსხვილი კომპონენტია N3 ტერიტორიაზე დაფუძნებული კონსერვაცია. იგი მოიცავს დაცული ტერიტორიების მართვისა და მმართველობის გაუმჯობესებას მნიშვნელოვან მიზნებს, მათ შორის 3.1.2: მართვის ეფექტურობის მონიტორინგის ინსტრუმენტის გამოყენებით (METT) დაცული ტერიტორიის მართვის ეფექტურობის შეფასებას.

დაცული ტერიტორიების ეფექტური მართვა არის მთავარი ფაქტორი ეროვნული მიზნებისა და ამოცანების მიღწევის უზრუნველსაყოფად. დაცული ტერიტორიების მართვის ეფექტურობის შეფასების რამდენიმე მეთოდი არსებობს. ერთ-ერთი ყველაზე ფართოდ გამოყენებული მიდგომაა დაცული ტერიტორიების მართვის ეფექტურობის მიმართულებით მართვისათვის თვალყურის დევნება და მონიტორინგი, რომელსაც ეწოდება METT (Management Effectiveness Tracking Tool/მართვის ეფექტური მონიტორინგის ინსტრუმენტი). მეთოდოლოგია მიჰყვება სწრაფ შეფასებას სპეციალური კითხვარის საშუალებით.

ყოველ სამ წელიწადში ერთხელ დაცული ტერიტორიების სააგენტო წარმატებით იყენებს ზემოაღნიშნულ მეთოდს დაცული ტერიტორიების ადმინისტრაციების მართვის ეფექტურობის შესაფასებლად და გასაუმჯობესებლად. ამჟამად APA-მ უკვე დაასრულა METT ქულების ბარათები თერთმეტი დაცული ტერიტორიის ადმინისტრაციისთვის. MEPA-ს, APA-ს ჩართულობით ასევე შესაძლებელია დარჩენილი ათი (10) დაცული ტერიტორიის METT დ.ტ.-ს მართვის ეფექტურობის ინსტრუმენტით შეფასება. აღნიშნული შეფასებები ხელს შეუწყობს დაცული ტერიტორიების მართვაში არსებული ხარვეზების იდენტიფიცირებას და შემდგომ ფოკუსირებას მენეჯმენტის სუსტი ასპექტების გაუმჯობესებაზე. ამავდროულად, კვლევა მხარს დაუჭერს საქართველოს ვალდებულებას ბიოლოგიური მრავალფეროვნების კონვენციისადმი (CBD) ანგარიშის მომზადების პროცესში.

1. სამიზნე ობიექტები

1. აჯამეთის დაცული ტერიტორიების ადმინისტრაცია;
2. ჭაჭუნას დაცული ტერიტორიების ადმინისტრაცია;
3. იმერეთის დაცული ტერიტორიების ადმინისტრაცია;
4. ქობულეთის დაცული ტერიტორიების ადმინისტრაცია;
5. კოლხეთის დაცული ტერიტორიების ადმინისტრაცია;
6. მარიამჯვარის დაცული ტერიტორიების ადმინისტრაცია;
7. მარტვილის დაცული ტერიტორიების ადმინისტრაცია;
8. თბილისის დაცული ტერიტორიების ადმინისტრაცია;
9. ერუშეთის დაცული ტერიტორიების ადმინისტრაცია;
10. მაჭახელას დაცული ლანდშაფტის ადმინისტრაცია.

2. მიმოწოდებული ვალდებულება:

- ✓ ითანამშრომლოს, როგორც საქართველოს გარემოს დაცვისა და სოფლის მეურნეობის სამინისტროს პროექტის ცენტრალურ განმახორციელებელ ერთეულთან, ასევე ბიომრავალფეროვნებისა და სატყეო დეპარტამენტთან და დაცული ტერიტორიების სააგენტოსთან და შესაბამის ადმინისტრაციებთან. შეასრულოს სამუშაო მათი კონსულტაციების, რეკომენდაციებისა და მოთხოვნების საფუძველზე;
- ✓ მოამზადოს სამუშაოს წარმართვის და დაინტერესებული მხარეების ჩართულობის გეგმა და შეათანხმოს სამინისტროსთან ხელშეკრულების გაფორმებიდან მაქსიმუმ 45 კალენდარულ დღეში;
- ✓ უზრუნველყოს ზემოთ ჩამოთვლილი ათი დაცული ტერიტორიის მართვის ეფექტურობის შეფასება მართვის ეფექტურობის მონიტორინგის შეფასების სისტემის გამოყენებით (იხ. დანართი);
- ✓ ჩაატაროს კონსულტაციები ყველა დაცული ტერიტორიის ადმინისტრაციის წარმომადგენლებთან და განიხილოს დაცული ტერიტორიის მართვასთან დაკავშირებული არსებული დოკუმენტაცია, მათ შორის მართვის გეგმები, ანგარიშები და კვლევის შედეგები, რათა შეავსოს მართვის ეფექტურობის მონიტორინგის ბარათები (METT Score Card) ინდივიდუალურად ყველა დაცული ტერიტორიისათვის;
- ✓ თითოეული სამიზნე დაცული ტერიტორიის შემთხვევაში შეავსოს ინფორმაცია 20 პუნქტიანი მართვის ეფექტურობის მონიტორინგის ბარათის (METT Score Card) მიხედვით (იხ. დანართი);
- ✓ ანალიზის დროს მიღებული ინფორმაცია მართვის ეფექტურობის მონიტორინგის ბარათზე წარმოადგინოს ქართულ და ინგლისურ ენაზე;
- ✓ საჭიროების შემთხვევაში წარმოადგინოს მოკლე ანგარიში მიმდინარე საქმიანობის შესახებ;
- ✓ დაარგანიზოს ანალიზის პროცესში საჭირო შეხვედრები (გარემოს დაცვისა და სოფლის მეურნეობის სამინისტრო, დაცული ტერიტორიების ადმინისტრაციები);
- ✓ გააკეთოს პრეზენტაციები შესრულებული სამუშაოების შესახებ და ასევე დაესწროს ყველა საჭირო შეხვედრას.

3. მეთოდოლოგია:

ყველა დაცულ ტერიტორიაზე მართვის ეფექტურობა შეფასდება მენეჯმენტის ეფექტურობის მონიტორინგის ინსტრუმენტზე დაყრდნობით. შეფასება ჩატარდება სამუშაო შეხვედრების მეშვეობით ფოკუს ჯგუფებში: ფოკუს-ჯგუფური დისკუსიები საშუალებით დაინტერესებულ მხარეებთან, რათა გამოვლენილი იყოს კრიტიკული ინფორმაცია და ძირითადი ინდიკატორები თითოეული ასპექტისთვის. პრეტენდენტის მიერ დაქირავებულმა კონსულტანტმა პასუხები უნდა მიიღოს დაინტერესებული მხარეებისგან მართვის ეფექტურობის მონიტორინგის ბარათის კომპონენტებისა და კითხვების შესაბამისად. გარდა ამისა, აქტიური კონსულტაციები გაიაროს გარემოს დაცვისა და სოფლის მეურნეობის სამინისტროს, დაცული ტერიტორიების სააგენტოს, დაცული ტერიტორიების შესაბამის ადმინისტრაციებთან.

4. საბოლოო პროდუქტი

მართვის ეფექტურობის მონიტორინგის ინსტრუმენტის გამოყენებით შეფასებული და შევსებული ბარათები ათი დაცული ტერიტორიისათვის - აჯამეთის დაცული ტერიტორიების ადმინისტრაცია, ჭაჭუნის დაცული ტერიტორიების ადმინისტრაცია, იმერეთის დაცული ტერიტორიების ადმინისტრაცია, ქობულეთის დაცული ტერიტორიების ადმინისტრაცია, კოლხეთის დაცული ტერიტორიების ადმინისტრაცია, მარიამჯვარის დაცული ტერიტორიების ადმინისტრაცია, მარტვილის დაცული ტერიტორიების ადმინისტრაცია, თბილისის დაცული ტერიტორიების ადმინისტრაცია, ერუშეთის დაცული ტერიტორიების ადმინისტრაცია, მაჭახელას დაცული ლანდშაფტის ადმინისტრაცია.

შენიშვნა: სატენდერო წინადადების წარმომდგენი პრეტენდენტი ავტომატურად ეთანხმება ტექნიკურ დავალებას.